

## MINISTARSTVO UNUTRAŠNJIH POSLOVA

**456**

Na osnovu člana 79. stav 1. alineja 1. Zakona o unutrašnjim poslovima Hercegovačko-neretvanskog kantona («Sl. novine HNK», broj:2/98, 4/01, 3/02, 1/03, 2/06, 5/08 i 6/08) i člana 13. i 25. Zakona o zapaljivim tečnostima i gasovima (« Sl. novine HNK», br. 3/05), ministar unutrašnjih poslova, d o n o s i

### **P R A V I L N I K O STRUČNOJ SPREMI I NAČINU PROVJERE STRUČNOG ZNANJA OSOBA KOJE MOGU RUKOVATI ZAPALJIVIM TEČNOSTIMA I GASOVIMA U PROMETU**

#### Član 1.

(Predmet)

Pravilnikom o stručnoj spremi i načinu provjere stručnog znanja osoba koje mogu rukovati zapaljivim tečnostima i gasovima (u daljem tekstu: Pravilnik) određuje se stručna spremi i način provjere stručnog znanja osoba koje mogu rukovati zapaljivim tečnostima i gasovima u vršenju poslova čuvanja, utovara, istovara, uskladištenja i trgovinskog prometa ovim materijama u pravnim licima u kojima se ti poslovi vrše u okviru njihove djelatnosti (pravna lica koja se bave proizvodnjom, uskladištanjem ili korištenjem ovih materija), kao i troškovi provjere stručnog znanja.

#### Član 2.

(Stručna spremi)

Pod stručnom spremom u smislu ovog pravilnika podrazumjevaju se osnovna znanja o fiziko-hemijskim osobinama zapaljivim tečnostima i gasovima, neophodna za samostalno bezbjedno obavljanje povjerenih poslova u vezi sa rukovanjem zapaljivim tečnostima i gasovima u pravnim licima, kao i potrebno poznavanje propisa o prometu tih materija i propisa o odgovarajućim tehničkim normativima.

#### Član 3.

(Uslovi za rukovanje zapaljivim tečnostima i gasovima)

(1) Samostalno vršenje poslova iz člana 1. ovog pravilnika može se povjeriti samo osobi koja ispunjava zakonom propisane uslove za rukovanje zapaljivim tečnostima

i gasovima iz člana 12. Zakona o zapaljivim tečnostima i gasovima i koja je zadovoljila na provjeru stručnog znanja po odredbama ovog pravilnika.

(2) Pravno lice u kojem se vrše poslovi iz člana 1. ovog pravilnika može internim aktom propisati i druge posebne uslove za vršenje poslova u vezi sa rukovanjem zapaljivim tečnostima i gasovima (zdravstveni uslovi, stručna spremi i sl.), kao i način stručnog osposobljavanja za vršenje tih poslova i način pripremanja za provjeru stručnog znanja ( asistencija, rad pod nadzorom, kursevi, seminari i drugi oblici stručne pomoći).

#### Član 4.

(Obrazovanje komisije)

- (1) Pravno lice u kojem se vrše poslovi iz člana 1. ovog pravilnika obrazuje komisiju za provjeru stručnog znanja (u daljem tekstu: komisija) svojih osoba koje će vršiti te poslove ili te poslove može povjeriti instituciji sa javnim ovlaštenjima koja je registrovano za obavljanje poslova stručnog osposobljavanja za rukovanje zapaljivim tečnostima i gasovima.
- (2) Članovi ovih komisija mogu biti lica koja imaju visoku stručnu spremu tehničkog smjera.
- (3) Jedan član komisije je inspektor za zaštitu od požara i eksplozija Ministarstva unutrašnjih poslova Hercegovačko-neretvanskog kantona, koga za to odredi ministar.
- (4) Pravno lice u kojem se vrše poslovi iz člana 1. ovog pravilnika ili pravno lice koje je registrovano za obavljanje poslova stručnog osposobljavanja za rukovanje zapaljivim tečnostima i gasovima, prije imenovanja članova komisije potrebno je da pribavi saglasnost Ministarstva unutrašnjih poslova Hercegovačko-neretvanskog kantona, da li predviđeni kandidati za članove komisije imaju odgovarajuću školsku spremu.
- (5) Dva ili više pravnih lica mogu se sporazumjeti da se u jednom od njih vrši provjera stručnog znanja osoba, kao i o načinu obrazovanja komisije i o drugim pitanjima od zajedničkih interesa u vezi sa provjerom stručnog znanja osoba.
- (6) U aktu o obrazovanju komisije određuje se i vrijeme na koje se imenuju članovi ( na određeno vrijeme, na neodređeno vrijeme ili za određenu provjeru znanja ), kao i iznos naknade članovima komisije ukoliko je to propisano opštim aktom preduzeća.

**Član 5.**

(Rad komisije)

Pitanja u vezi sa radom komisije koja nisu obuhvaćena ovim pravilnikom, uređuju se opštim aktom pravnog lica koje obrazuje komisiju.

**Član 6.**

(Prijava)

- (1) Prijavu za provjeru znanja radi vršenja poslova iz člana 1. ovog pravilnika ( u daljem tekstu: prijava) osoba podnosi odgovarajućoj službi u pravnom licu u kojem je zaposlen. Prijava sadrži: prezime i ime kandidata, dan, mjesec i godinu rođenja, mjesto rođenja, općina i država, podatke o završenoj školi, odnosno radničkoj kvalifikaciji, naziv pravnog lica u kojem je zaposlen i njegovo sjedište, vrijeme stupanje na rad u to pravno lice, detaljan popis poslova iz člana 1. ovog pravilnika koje osoba obavlja i za koje se vrši provjera stručnog znanja, potpis i adresu podnosioca prijave.
- (2) Odgovarajuća služba u pravnom licu ovjerava u prijavi navedene podatke i prijavu dostavlja komisiji.

**Član 7.**

(Rok za provjeru stručnog znanja)

- (1) Ako prijava nema bitnih nedostataka, komisija određuje rok za provjeru stručnog znanja i o tome obavještava kandidata.
- (2) Kandidat mora biti obavješten o mjestu i vremenu provjere stručnog znanja najkasnije 15 dana prije dana određenog za provjeru. Komisija i kandidat mogu se sporazumjeti da ovaj rok bude i kraći, ali ne kraći od deset dana.
- (3) Prijavu u kojoj nedostaje bilo koji podatak iz prethodnog člana, komisija će vratiti službi koja je prijavu dostavila, sa uočenim primjedbama.

**Član 8.**

(Provjera stručnog znanja)

- (1) Provjeru stručnog znanja za rukovanje zapaljivim tečnostima i gasovima u prometu komisija vrši prema programskom gradivu za provjeru stručnog znanja za vršenje poslova čuvanja i rukovanja zapaljivim tečnostima i gasovima u prometu.
- (2) Programsко gradivo iz prethodnog stava čini sastavni dio ovog pravilnika.

**Član 9.**

(Trajanje ispita)

Komisija ispituje kandidata dok ne stekne uvjerenje da li je kandidat sposoban da samostalno vrši svoje zadatke. O trajanju ispita odlučuje svaki član ispitne komisije koji vrši ispitivanje, a predsjednik ispitne komisije može u tom pogledu da interveniše u toku cijelog trajanja provjere znanja.

**Član 10.**

(Ocjena)

- (1) U toku provjere stručnog znanja predsjednik i članovi ispitne komisije, svaki za sebe ocjenjuju pojedinačno odgovore na pitanja. Uspjeh kandidata ocjenjuje se ocjenama «zadovoljio» ili «nije zadovoljio».
- (2) Komisija svoju ocjenu daje većinom glasova.
- (3) Kandidat koji nije zadovoljio može se ponovo prijaviti za provjeru stručnog znanja, nakon isteka vremena od 30 dana od dana posljednje provjere.

**Član 11.**

(Popravni ispit)

- (1) Ako komisija ocijeni da kandidat dovoljno ne poznaje određeni manji dio programskega gradiva koji se odnosi na konkretnu poslovnu uputicu kandidata na ponovnu provjeru znanja iz tog dijela programskega gradiva (popravni ispit).
- (2) U slučaju iz prethodnog stava komisija će kandidatu odrediti gradivo za popravni ispit, kao i rok za njegovo održavanje. Ovaj rok ne može biti kraći od 15 dana ni duži od dva mjeseca.
- (3) Ako kandidat bez opravdanog razloga ne pristupi popravnom ispitom ili ne zadovolji na popravnom ispitom, smatraće se da na provjeri znanja u cjelini nije zadovoljio.

**Član 12.**

(Potvrda)

- (1) Po završetku provjere predsjednik ispitne komisije saopštava kandidatu ocjenu u prisustvu članova komisije.
- (2) Kandidatu koji je ocijenjen ocjenom «zadovoljio», izdaje se o tome potvrda. Ova potvrda se izdaje na obrascu koji čini sastavni dio ovog pravilnika.

**Član 13.**

(Sadržaj zapisnika)

U toku provjere stručnog znanja vodi se zapisnik u koji se unosi naziv pravnog lica koje je obrazovalo komisiju, naziv pravnog lica gdje je osoba zaposlena, prezime i ime, datum i mjesto rođenja i mjesto stanovanja radnika koji je pristupio provjeri znanja, datum i mjesto u kome se vrši provjera, sastav komisije, poslovi za koje se vrši provjera znanja, postavljena pitanja i ocjena komisije za pojedine odgovore kao i ukupnog uspjeha kandidata na provjeri.

**Član 14.**

(Vođenje evidencija)

- (1) Pravno lice koje je obrazovalo komisiju za provjeru znanja po odredbama člana 4. ovog pravilnika vodi evidenciju o osobama koje su zadovoljile na provjeri stručnog znanja.
- (2) Evidencija se vodi u tvrdo ukoričenom povezu sa označenim stranicama u koji se upisuje: prezime i ime osobe, godina, mjesto i općina rođenja, stručna kvalifikacija-radničko zvanje, datum provjere, uspjeh kandidata i primjedba.

**Član 15.**

(Provjera znanja i stručno obrazovanje)

Osobe koje podliježu provjeri znanja po odredbama ovog pravilnika ne izuzimaju se od stručnog obrazovanja i provjere znanja koji se izvode u skladu sa propisima o zaštiti od požara.

**Član 16.**

(Osobe na koje se odredbe Pravilnika ne primjenjuju)

Odredbe ovog pravilnika ne odnose se na osobe za koje je s obzirom na poslove koje vrše propisan poseban način stručnog osposobljavanja i provjere stručnog znanja.

**Član 17.**

(Primjena odredbi Pravilnika)

Osobe koje su se zatekle na poslovima iz člana 1. ovog pravilnika na dan njegovog stupanja na snagu, mogu i dalje vršiti te poslove, ako se u roku od šest mjeseci od dana stupanja na snagu ovog pravilnika prijave za provjeru stručnog znanja po odredbama ovog pravilnika i zadovolje na toj provjeri.

**Član 18.**

(Prestanak važenja ranijih provedbenih propisa)

Stupanjem na snagu ovog pravilnika na području Hercegovačko-neretvanskog kantona, prestaju važiti

svi provedbeni propisi koji su regulisali ovu oblast.

**Član 19.**

(Stupanje na snagu)

Ovaj pravilnik stupa na snagu danom objave u „Službenim novinama Hercegovačko-neretvanskog kantona.“

Bosna i Hercegovina

Federacija Bosne i Hercegovine

HERCEGOVACKO-NERETVANSKI KANTON

MINISTARSTVO UNUTRAŠNJIH POSLOVA

Broj:02-01/I-04-1096/08

Mostar, 28.11.2008. godine

**M I N I S T A R**  
Zoran Krešić, dipl. Politolog,s.r.

**PROGRAMSKO GRADIVO ZA PROVJERU  
STRUČNOG ZNANJA ZA VRŠENJE POSLOVA  
ČUVANJA I RUKOVANJA ZAPALJIVIM  
TEČNOSTIMA I GASOVIMA U PROMETU**

1. Osnovni pojmovi o fiziko-hemijskim osobinama zapaljivih tečnosti i gasova i gorenje zapaljivih tečnosti i gasova
  - Pojam zapaljivih tečnosti i njihova podjela prema temperaturi zapaljivosti
  - Uslovi za rukovanje zapaljivim tečnostima i gasovima u prometu
  - Tačka zapaljivosti (plamište) i tačka paljenja
  - Način gorenja zapaljivih tečnosti
  - Pojam gasova, zapaljivi gasovi: propan, butan (tečni naftni gas), acetilen, zemni gas, vodonik
  - Gasovi koji gore i koji podržavaju gorenje
  - Uslovi za nastanak gorenja i eksplozivnih gasova
2. Uskladištenje zapaljivih tečnosti
  - Zone opasnosti-pojam i podjela
  - Rezervoari-konstrukcija, oznake
  - Nadzemni rezervoari-lokacija, zone opasnosti, zaštitni bazen, drenažni sistem, oprema, zaštita od požara
  - Podzemni rezervoari-način ukopavanja, lokacija, zone opasnosti, oprema, zaštita od požara
  - Uskladištanje zapaljivih tečnosti u posudama zapremine do 250 l –zone opasnosti, zaštita od požara
  - Pretakanje zapaljivih tečnosti-pretakališta, lokacija, zone opasnosti, zaštita od požara

- Zapaljive tečnosti i gasovi u trgovinskim radnjama, držanje, mjere zaštite od požara
- 3. Uskladištanje zapaljivih gasova**
- Rezervoari-konstrukcija, oznake
  - Nadzemni rezervoari-lokacija, zone opasnosti, oprema, zaštita od požara
  - Podzemni rezervoari-lokacija, zone opasnosti, oprema, zaštita od požara
  - Prenosni rezervoari-oznake, zone opasnosti, pogon za punjenje boca i prenosnih rezervoara –lokacija postrojenja za punjenje
  - Pretakanje gasa-pretakalište, lokacija, zaštita od požara
  - Sistem sa bocama i sistem sa rezervoarima
  - Isparivač za gas –konstrukcija
  - Uređaj za redukciju i regulaciju pritiska
  - Uskladištanje gasa u bocama-lokacija, mjere zaštite od požara
- 4. Stanice za snadbjevanje gorivom motornih vozila**
- Izgradnja stanica, lokacija, zone opasnosti
  - Automati za istakanje goriva
  - Cjevovodi i rezervoari
  - Instalacije
  - Zaštita od požara
- 5. Promet i rukovanje zapaljivim tečnostima i gasovima**
- Punjenje rezervoara i posuda zapaljivim tečnostima – mjere obezbjeđenja
  - Punjenje rezervoara i posuda zapaljivim gasovima – mjere obezbjeđenja
  - Pražnjenje rezervoara i posuda i istakanje zapaljivih tečnosti i gasova – mjere bezbjednosti
  - Način mjerena količine tečnosti i gasova u rezervoarima i cisternama
- 6. Zajedničke i posebne mjere bezbjednosti u prevozu zapaljivih tečnosti i gasova**
- Pakovanje
  - Utovar i istovar
  - Opšte mjere bezbjednosti za prevoz
  - Posebne mjere bezbjednosti kod prevoza u drumskom saobraćaju, željezničkom saobraćaju, unutrašnjim plovnim putevima, pomorskom i vazdušnom saobraćaju i kod prenosa u poštanskom saobraćaju
- 7. Električne instalacije i uređaji na mjestima ugroženim od eksplozivnih smjesa**
- «Ex» izvedba instalacija, uređaja i rasvjete
  - Zaštita od elektrostatskog elektriciteta
- Gromobraska zaštita
  - Zone u kojima se ne smiju nalaziti nadzemni električni vodovi
- 8. Osnovi taktike gašenja i osnovni pojmovi o uređajima, aparatima i sredstvima za gašenje i uređajima za dojavu požara**
- Gašenje požara gasnih vodova
  - Gašenje požara boca, posuda i rezervoara koje sadrže zapaljive gasove
  - Gašenje požara zapaljivih tečnosti (tečnosti koje se ne mješaju s vodom i koje se mješaju s vodom)
  - Gašenje požara motornih vozila
  - Gašenje požara električnih instalacija
  - Sredstva za gašenje požara zapaljivih tečnosti i gasova
  - Aparati za gašenje
  - Automatski uređaji za dojavu i gašenje požara

Obrazac potvrde o provjeri stručnog znanja za rukovanje zapaljivim tečnostima i gasovima u prometu

Naziv pravnog lica

Komisija za provjeru stručnog znanja osoba koje mogu rukovati zapaljivim tečnostima i gasovima u prometu

**P O T V R D A****o izvršenoj provjeri stručnog znanja za rukovanje zapaljivim tečnostima i gasovima u prometu**

\_\_\_\_\_  
rođen \_\_\_\_\_ iz \_\_\_\_\_, općina \_\_\_\_\_  
godine, zaposlen u \_\_\_\_\_

z a d o v o l j i o /la je na provjeri stručnog znanja iz oblasti čuvanja i rukovanja zapaljivim tečnostima i gasovima u prometu, izvršenoj dana \_\_\_\_\_ godine, po odredbama Pravilnika o stručnoj spremi i načinu provjere stručnog znanja lica koja mogu rukovati zapaljivim tečnostima i gasovima u prometu (« Službene novine HNK», broj \_\_\_\_)

Broj regista \_\_\_\_\_  
Datum i mjesto izdavanja potvrde \_\_\_\_\_

Član ispitne komisije, inspektor  
za zaštitu od požara i eksplozija

PREDSJEDNIK ISPITNE KOMISIJE

457

Na osnovu člana 79. stav1. alineja 1.Zakona o unutrašnjim poslovima Hercegovačko-neretvanskog kantona (« Sl. novine HNK», br. 2/98, 4/01, 3/02, 1/03, 2/06, 5/08 i 6/08) i člana 55. Zakona o eksplozivnim materijama za privrednu upotrebu (« Sl. novine HNK», br. 3/05), ministar unutrašnjih poslova Hercegovačko-neretvanskog kantona, d o n o s i

**P R A V I L N I K**  
**O STRUČNOJ SPREMI I NAČINU PROVJERE**  
**STRUČNOG ZNANJA OSOBA**  
**KOJE MOGU RUKOVATI EKSPLOZIVnim**  
**MATERIJAMA U PROMETU**

**Član 1.**

(Predmet)

Pravilnikom o stručnoj spremi i načinu provjere stručnog znanja osoba koje mogu rukovati eksplozivnim materijama u prometu ( u daljem tekstu: Pravilnik )određuje se stručna spremi i način provjere stručnog znanja osoba koje mogu rukovati eksplozivnim materijama u vršenju poslova čuvanja, utovara, istovara, uskladištenja i trgovinskog prometa ovim materijama u pravnim licima u kojima se ti poslovi vrše u okviru njihove djelatnosti (pravna lica koja se bave proizvodnjom, uskladištanjem ili korištenjem ovih materija), kao i troškovi provjere stručnog znanja.

**Član 2.**

(Stručna spremi)

Pod stručnom spremom u smislu ovog pravilnika podrazumjevaju se osnovna znanja o fiziko-hemijskim osobinama eksplozivnih materija, neophodna za samostalno bezbjedno obavljanje povjerenih poslova u vezi sa rukovanjem eksplozivnim materijama u pravnim licima, kao i potrebno poznавање propisa o prometu tih materija i propisa o odgovarajućim tehničkim normativima.

**Član 3.**

(Uslovi za rukovanje eksplozivnim materijama)

(1) Samostalno vršenje poslova iz člana 1. ovog pravilnika može se povjeriti samo osobi koja ispunjava zakonom propisane uslove za rukovanje eksplozivnim materijama iz člana 22. Zakona o eksplozivnim materijama za privrednu upotrebu i koja je zadovoljila na provjeri stručnog znanja po odredbama ovog pravilnika.

(2) Pravno lice u kojem se vrše poslovi iz člana 1. ovog pravilnika može internim aktom propisati i druge posebne uslove za vršenje poslova u vezi sa rukovanjem eksplozivnim materijama (zdrastveni uslovi, stručna spremi i sl.), kao i način stručnog osposobljavanja za vršenje tih poslova i način pripremanja za provjeru stručnog znanja ( asistencija, rad pod nadzorom, kursevi, seminari i drugi oblici stručne pomoći).

**Član 4.**

(Obrazovanje komisije)

- (1) Pravno lice u kojem se vrše poslovi iz člana 1. ovog pravilnika obrazuje komisiju za provjeru stručnog znanja ( u daljem tekstu: komisija ) svojih osoba koje će vršiti te poslove ili te poslove može povjeriti instituciji sa javnim ovlaštenjima koja je registrovana za obavljanje poslova stručnog osposobljavanja za rukovanje eksplozivnim materijama.
- (2) Članovi ovih komisija mogu biti lica koja imaju visoku stručnu spremu tehničkog smjera.
- (3) Jedan član komisije je inspektor za zaštitu od požara i eksplozija nadležnog ministarstva unutrašnjih poslova na čijem području se vrši provjera stručnog znanja, koga za to odredi rukovodilac organa.
- (4) Pravno lice u kojem se vrše poslovi iz člana 1. ovog pravilnika ili pravno lice koje je registrovano za obavljanje poslova stručnog osposobljavanja za rukovanje eksplozivnim materijama, prije imenovanja članova komisije potrebno je da pribavi saglasnost nadležnog ministarstva unutrašnjih poslova, da li predviđeni kandidati za članove komisije imaju odgovarajuću školsku spremu.
- (5) Dva ili više pravnih lica mogu se sporazumljeti da se u jednom od njih vrši provjera stručnog znanja osoba, kao i o način obrazovanja komisije i o drugim pitanjima od zajedničkih interesa u vezi sa provjerom stručnog znanja osoba.
- (6) U aktu o obrazovanju komisije određuje se i vrijeme na koje se imenuju članovi ( na određeno vrijeme, na neodređeno vrijeme ili za određenu provjeru znanja ), kao i iznos naknade članovima komisije ukoliko je to propisano opštim aktom preduzeća.

**Član 5.**

(Rad komisije)

Pitanja u vezi sa radom komisije koja nisu

obuhvaćena ovim pravilnikom, uređuju se opštim aktom pravnog lica koje obrazuje komisiju.

komisije može u tom pogledu da interveniše u toku cijelog trajanja provjere znanja.

### Član 6.

#### (Prijava)

- (1) Prijavu za provjeru znanja radi vršenja poslova iz člana 1. ovog pravilnika ( u daljem tekstu: prijava) osoba podnosi odgovarajućoj službi u pravnom licu u kojem je zaposlen. Prijava sadrži: prezime i ime kandidata, dan, mjesec i godinu rođenja, mjesto rođenja, općina i država, podatke o završenoj školi, odnosno radničkoj kvalifikaciji, naziv pravnog lica u kojem je zaposlen i njegovo sjedište, vrijeme stupanje na rad u to pravno lice, detaljan popis poslova iz člana 1. ovog pravilnika koje osoba obavlja i za koje se vrši provjera stručnog znanja, potpis i adresu podnosioca prijave.
- (2) Odgovarajuća služba u pravnom licu ovjerava u prijavi navedene podatke i prijavu dostavlja komisiji.

### Član 7.

#### (Rok provjere stručnog znanja)

- (1) Ako prijava nema bitnih nedostataka, komisija određuje rok za provjeru stručnog znanja i o tome obavještava kandidata.
- (2) Kandidat mora biti obavješten o mjestu i vremenu provjere stručnog znanja najkasnije 15 dana prije dana određenog za provjeru. Komisija i kandidat mogu se sporazumjeti da ovaj rok bude i kraći, ali ne kraći od deset dana.
- (3) Prijavu u kojoj nedostaje bilo koji podatak iz prethodnog člana, komisija će vratiti službi koja je prijavu dostavila, sa uočenim primjedbama.

### Član 8.

#### (Provjera stručnog znanja)

- (1) Provjeru stručnog znanja za rukovanje eksplozivnim materijama u prometu komisija vrši prema Programskom gradivu za provjeru stručnog znanja za vršenje poslova čuvanja i rukovanja eksplozivnih materija.
- (2) Programsко gradivo iz prethodnog stava čini sastavni dio ovog pravilnika.

### Član 9.

#### (Trajanje ispita)

Komisija ispituje kandidata dok ne stekne uvjerenje da li je kandidat sposobljen da samostalno vrši svoje zadatke. O trajanju ispita odlučuje svaki član ispitne komisije koji vrši ispitivanje, a predsjednik ispitne

### Član 10.

#### (Ocjena)

- (1) U toku provjere stručnog znanja predsjednik i članovi ispitne komisije, svaki za sebe ocjenjuju pojedinačno odgovore na pitanja. Uspjeh kandidata ocjenjuje se ocjenama «zadovoljio» ili «nije zadovoljio».
- (2) Komisija svoju ocjenu daje većinom glasova.
- (3) Kandidat koji nije zadovoljio može se ponovo prijaviti za provjeru stručnog znanja, nakon isteka vremena od 30 dana od dana posljednje provjere.

### Član 11.

#### (Popravni ispit)

- (1) Ako komisija ocjeni da kandidat dovoljno ne poznaje određeni manji dio programskog gradiva koji se odnosi na konkretnе poslove, uputiće kandidata na ponovnu provjeru znanja iz tog dijela programskog gradiva (popravni ispit).
- (2) U slučaju iz prethodnog stava komisija će kandidatu odrediti gradivo za popravni ispit, kao i rok za njegovo održavanje. Ovaj rok ne može biti kraći od 15 dana ni duži od dva mjeseca.
- (3) Ako kandidat bez opravdanog razloga ne pristupi popravnom ispit u ili ne zadovolji na popravnom ispit, smatraće se da na provjeri znanja u cjelini nije zadovoljio.

### Član 12.

#### (Potvrda)

- (1) Po završetku provjere predsjednik ispitne komisije saopštava kandidatu ocjenu u prisustvu članova komisije.
- (2) Kandidatu koji je ocjenjen ocjenom «zadovoljio», izdaje se o tome potvrda. Ova potvrda se izdaje na obrascu koji čini sastavni dio ovog pravilnika.

### Član 13.

#### (Sadržaj zapisnika)

U toku provjere stručnog znanja vodi se zapisnik u koji se unosi naziv pravnog lica koje je obrazovalo komisiju, naziv pravnog lica gdje je osoba zaposlena, prezime i ime , datum i mjesto rođenja i mjesto stanovanja osobe koja je pristupila provjeri znanja, datum i mjesto u kome se vrši provjera, sastav komisije,

poslovi za koje se vrši provjera znanja , postavljena pitanja i ocjena komisije za pojedine odgovore kao i ukupnog uspjeha kandidata na provjeri.

### Član 14.

(Vodenje evidencija)

- (1) Pravno lice koje je obrazovalo komisiju za provjeru znanja po odredbama člana 4. ovog pravilnika vodi evidenciju o osobama koje su zadovoljile na provjeri stručnog znanja .
- (2) Evidencija se vodi u tvrdo ukoričenom povezu sa označenim stranicama u koji se upisuje: prezime i ime osobe, godina, mjesto i općina rođenja, stručna kvalifikacija-radničko zvanje, datum provjere, uspjeh kandidata i primjedba.

### Član 15.

(Provjera znanja i stručno obrazovanje)

Osobe koje podliježu provjeri znanja po odredbama ovog pravilnika ne izuzimaju se od stručnog obrazovanja i provjere znanja koji se izvode u skladu sa propisima o zaštiti od požara.

### Član 16.

(Osobe na koje se odredbe Pravilnika ne primjenjuju)

Odredbe ovog pravilnika ne odnose se na osobe za koje je s obzirom na poslove koje vrše propisan poseban način stručnog ospozobljavanja i provjere stručnog znanja.

### Član 17.

(Primjena odredbi Pravilnika)

Osobe koje su se zatekle na poslovima iz člana 1. ovog pravilnika na dan njegovog stupanja na snagu, mogu i dalje vršiti te poslove, ako se u roku od šest mjeseci od dana stupanja na snagu ovog pravilnika prijave za provjeru stručnog znanja po odredbama ovog pravilnika i zadovolje na toj provjeri.

### Član 18.

(Prestanak važenja ranijih provedbenih propisa)

Stupanjem na snagu ovog pravilnika na području Hercegovačko-neretvanskog kantona, prestaju važiti svi provedbeni propisi koji su regulisali ovu oblast.

### Član 19.

(Stupanje na snagu)

Ovaj pravilnik stupa na snagu danaom objave u „Službenim novinama Hercegovačko-neretvanskog kantona.“

Bosna i Hercegovina

Federacija Bosne i Hercegovine

HERCEGOVACKO-NERETVANSKI KANTON

MINISTARSTVO UNUTRAŠNJIH POSLOVA

Broj:02-01/II-04-1057-1/08

Mostar, 28.11.2008.godine

**M I N I S T A R**

Zoran Krešić, dipl. Politolog,s.r.

### PROGRAMSKO GRADIVO ZA PROVJERU STRUČNOG ZNANJA ZA VRŠENJE POSLOVA ČUVANJA I RUKOVANJA EKSPLOZIVNIH MATERIJA U PROMETU

#### 1. Promet eksplozivnih materija

- Podjela eksplozivnih materija
- Uslovi za rukovanje eksplozivnim materijama
- Objekti za smještaj eksplozivnih materija
- Pakovanje i obilježavanje eksplozivnih materija
- Nabavka i prodaja eksplozivnih materija
- Prodavnice eksplozivnih materija na malo
- Odobrenje za nabavku
- Dužnosti odgovornog lica u prodavnici
- Prevoz eksplozivnih materija
- Odgovornost za nepridržavanje zakona
- Odobrenje za prevoz eksplozivnih materija i mjere obezbeđenja
- Evidencija o otrošku, nabavci, ustupanju i uništenju eksplozivnih materija

#### 2. Osnovni pojmovi o fiziko-hemijskim osobinama eksplozivnih materija

- Pojam eksplozivnih materija
- Eksplozija (obično, eksplozivno i detonirajuće sagorijevanje)
- Aktiviranje eksploziva (toplotni, mehanički i eksplozivni impuls)
- Osjetljivost eksploziva
- Gasoviti, tečni i čvrsti eksplozivi
- Podjela eksploziva prema hemijskom sastavu (čista hemijska jedinjenja i smjese)
- Incijalni eksplozivi
- Brizantni eksplozivi
- Prirodni (rudarski) brizantni eksplozivi
- Praškasti, plastični i metanski eksplozivi
- Baruti (propulzivni eksplozivi) – crni i malodimni
- Eksplozivne gasne smjese
- Sredstva za paljenje eksploziva (rudarske kapsle,

električni upaljači), sporogorući štapin-sredstva za paljenje štapina, detonirajući štapin.

### 3. Uskladištenje eksplozivnih materija

- Površinska skladišta (lokacija, građevinske norme i bezbjednosne mjere)
- Ukopana, podzemna, jamska skladišta
- Priručna nepokretna skladišta i kontejneri
- Rad u skladištima – rukovanje eksplozivnim materijama

### 4. Transport eksplozivnih materija

- Prenošenjem
- Željeznicom
- Drumski transport eksplozivnih materija
- Motorna vozila – opremljenost
- Dužnost vozača
- Utovar, istovar i pretovar

### 5. Osnovni pojmovi o miniranju

- Mjere bezbjednosti
- Priprema bušotina
- Paljenje sporogorećim štapinom
- Električno paljenje mina
- Postupak s neupaljenim minama

**Obrazac potvrde o provjeri stručnog znanja za rukovanje eksplozivnim materijama u prometu**

Naziv pravnog lica

Komisija za provjeru stručnog znanja osoba  
koje mogu rukovati eksplozivnim materijama u prometu

**P O T V R D A**

**o izvršenoj provjeri stručnog znanja za rukovanje eksplozivnim materijama u prometu**

\_\_\_\_\_  
rođen \_\_\_\_\_ iz \_\_\_\_\_, općina \_\_\_\_\_  
godine, zaposlen u \_\_\_\_\_

z a d o v o l j i o /la je na provjeri stručnog znanja iz oblasti čuvanja i rukovanja eksplozivnim materijama u  
prometu, izvršenoj dana \_\_\_\_\_ godine, po odredbama Pravilnika o stručnoj spremi i načinu  
provjere stručnog znanja lica koja mogu rukovati eksplozivnim materijama u prometu (« Službene novine  
HNK», broj \_\_\_\_)

Broj regista \_\_\_\_\_  
Datum i mjesto izdavanja potvrde \_\_\_\_\_

Član ispitne komisije, inspektor  
za zaštitu od požara i eksplozija

PREDSJEDNIK ISPITNE KOMISIJE